

जम्मूआं थमां पूने तगर

अपनी डुंगर दी धरती छोड़ियँ पूनँ आई पुज्जना बी इक नोखी गी घटना ऐ— मेरी जिदगानी दी। कदँ सोचेआ बी नेहा जे, मिगी पी० एच० डी० करने आस्तँ इत्थँ औने पेई जाना ऐ। खँर, “विश्वविद्यालय अनुदान आयोग” ने बी मिगी जबरस्ती ते इत्थँ नेई भेजेआ। एह् ते भागँ दा फेर समझो, जां फी अन्नजल। खीर, किश ते होग जरूर। ताइयँ, एह् कम्म बनेआ।

पी० एच० डी० करने आस्तँ मना च चरोकनी तड़फ ही। एह्दे बिना मनँ च इक घाटा- जन मँह्-सूस होंदा हा ते किश अन्दरो- अन्दरी कुतरदा रौह्-दा हा। असँगी जम्मू च रौह्-ने दा मोका नेई मिलने करियँ बी, एह्-कड़ा घाटा पूरा करने दा संजोग नेई हा बनेआ। घरेलु परिस्थितियां बी इसदे रस्ते च रोड़े बनदियां रेईयां ते फी अपनी तांसमझी बी बड़डा कारण बनदी रेई। जिस करी एह् कम्म सरी नेईं सकेआ।

सरकारा कोला पढ़ाई दी छुट्टी (Academic Leave) दा परवाना मिगी 28. 7. 78. गो मिलेआ। उद्धरा दा कठुए थमां भदरवाह् कालेज च तबदीली दा बी। ठाई गी कठुए थमां रिलोव होइयँ, 1. 8. 78. गी भद्रवाह् जाई पुज्जा ते 3 गो उत्थुआं बी रिलीव होइयँ जम्मू बिच्चँ हुन्दे होई कठुए परतोआ ते फी दूए रोज परवार समेत जम्मू लगभग त्रँ बजे पुज्जेआ। इसँ रोज यानि 5. 8. 78 गी गी पूनँ आस्तँ प्रस्थान करना हा। फी जे, सुपर फास्ट ट्रेन जम्मू थमां इक हफते च छड़ी दौं बारी चलदी ऐ—मंगलवार ते शनिवार।

रिजर्वेशन करवाने आस्तँ इक सज्जन गी पहुँलें गी रपे दिते दे हे। पर, जम्मू आइयँ पता चलेआ जे, उतँ अजँ टिकट गी नेईं पजाई दी ऐ। फिकर लग्गा जे, ओह्, टेशनना पर नेईं लब्धन तां केह् करड्। खँर, तोला- तोला टेशन पुज्जे। उसलँ लगभग साइडे चार होंगन। रेल 6.5 उप्पर चलनी ही। प्लेटफार्मा पर छानबीन कीती तां ओह् लब्धी पे ते इब्धी पता चलेआ जे 17 नं० सीट रिजर्व होई गेदी ऐ। अपनी बोगी तूप्पी ते समेआन बिच रखाया। तां जे, इन्ने बिच सहाड़े छोटु होर, जिन्दा नां कनु यानि कुणाल ऐ, सीट मल्ली बँठे दे हे जे—‘मिम्मी पूनँ जानां’। बड़ी मुश्कल बनी गेई। रोना चीकना

रम्भ होई गेआ । उसी दिक्खियँ दूआ जागत कुड़ी बी रोन लगी पे । उद्धरा मेरी पत्नी होर ते उन्दी माता बी । नेई हालता च अम्मीं नि रही सकेआ । मना च सोचेआ— एह् भला कम्म करा करनां जां माड़ा जे, इनें गी रोदें गी सुट्टियँ, जा करनां । खैर, उनेंगी समझाया । निक्के जागता गी शेर, हाथी, जहाज वगैरा ल्याई देने दा दलासा दित्ता ते बड्डें गी, पतियँ पूने दी सँर कराने दा । इन्नें च गड्डी ने पँह्ला घुग्गु बजाई दित्ता । मेरा कालजा जिंथां धक् धक् करी उट्ठेआ । मन करन लगा जे, रेला थमां थल्लं उतरी जां । पर, इक नेई मजबूरी बनी चुकी दी ही, जेह्डी मिगी पूने जाने लेई खिचदी जा करदी ही ते अपने फँसले पर अटल रौह्ने दी प्रेरणा देआ करदी ही । इन्ने च दूआ घुग्गु बी बज्जेआ ते रेल छक्- छक् करन लगी पेई । में बारिया विच्चा झांकन लगा हा । छड़े हत्थ हिल्ला करदे हे. निक्के बड्डें दे चेह्रे पर अत्थरू- गी- अत्थरू । पर, एह् इक्क झमाका- जन गी हा । की जे, रेला ने झट्ट स्पीड पकड़ी लेई ही । में पिजरे च बन्द पक्खरूए आला लेखा मजबूर हा । किज खिन भुल्ली गेआ जे, कुत्थें जा करनां, मिगी कुन लेई जा करदा ते की लेई जा करदा ? अपने दोस्तें ते सज्जन- सरबन्धिये कोला निखेडियँ । मिगी कठुए ते जम्मुआं दे सारे मित्तर- सज्जन बारिया- बारिया चेतँ आवा करदे हे, जिनेईं में चलने शा पँह्लें नेईं हा मिली सकेआ । हे परमात्मा, एह् कोई देस- नकाला ऐ जां ज्ञानपिपासा आस्तँ प्रस्थान ? किश बी नेहा सुज्जा करदा । होश आई तां बामनें दी बड़ी, वजपुर, सांवा ते घगोआल अक्खीं अगुआं इक इक करियँ, इथां टपोदे ल'ब्बे जिंथां सिनमें दे पड्डे उपपर फिल्मा दे सीन बारो- बारी खिसकदे चलदे न । फी कठुआ बी आई गेआ । अपने कालजा दी पीली पीली विल्डिग बी नजरी आई । एह् उर्यँ कठुआ ऐ, जित्थें में अपनी जिन्दगी दे दस साल ते ग्यारां स्हीने गजारे हे । जित्थें में जीवन दे मते उतार- चढास दिक्खे हे ते मिट्ठं ते कौड़े अनुभव हासल कीते हे ते जित्थें रेहियँ, में थोड़ा- बहुत हिन्दी ते डोगरी च लिखेआ बी हा । किश अकँडमी दे मित्रें दी प्रेरणा कन्ने ते किश अपने मना दी प्यास बुझाने आस्तँ । इन्ने च कठुआ बी पिच्छै रेई गेआ । में कठुए दे कोल नगरी दी अघिष्ठात्री देवी बालासुन्दरी गी मनँ च मत्था ठेकेआ । बालासुन्दरी देवी स्हाड़ी कुलदेवी ऐ, स्हाड़े दुखें- सुखें दी भयाल ते गवाह् । रावी दा पुल बी आई पुज्जा । में डुंगर दे प्हाडें दे उच्चे- उच्चे कीगरें गी शँल अक्खीं गुहाडियँ दिक्खेआ, जेह्ड़े मिगी अलविदा गला करदे हे ।

मिगी खयाल आया जे, हून इनेंगी फी पतोंइयँ कदू दिक्खड । इन्दी गोदा च मेरा बचपन ते जुआनी बतीत होए दे न । इंदियां ब्हामां, डींग- बडींगियां पगडण्डियां ते सँल्ले- सँल्ले रुक्ख मेरी प्रेरणायें दे स्रोत न । इनेंगी नमस्कार ! बारम्बार नमस्कार !! इयँ सोचां सोचदे पठानकोट बी टपोई गेआ । ट्रेन हून पंजाब दे मदानी प्रदेशा च द्रीड़ा करदी ही । एह् ट्रेन बी कनेई मशीन ऐ ! किन्ने गी लोकें गी चुक्कियँ कुत्थुआं- दा- कुत्थें पजाई ओड़दी ऐ । सच्चे गी एह् विज्ञान दा अद्भुत चमत्कार ऐ । इक बिलक्षण अजूबा

ऐ एह् रेलगड्डी बी । एह् निर्देई बी ऐ ते देआलू बी । केइयें गी मेलदी ते केइयें गी नखेइदी ऐ ।

ट्रेना च मेरे कन्ने चंगे साथी हे । इक बम्बई च प्राइवेट कम्म करने आला डाक्टर ए० आर० तारासिघानी, इक सलाल प्राजेक्ट उप्पर कम्म करने आला महाराष्ट्री, इक ठेकेदार पंजाबी सरदार जेह् डा बम्बई च गै कम्म करदा ऐ ते किश फौजी जुआन । साड़ा सफर गप्पां लांदे ते हस्सदे हसांदे गुजरदा जा करदा हा । अपने घराआलें दा चेत्ता, मिगी पल्ल-पल्ल आँदा हा । केह् होग उन्दा ? कियां रौह् उन ओह् ? मेरे माता-पिता बी बुड्ढे न । उन्दा केह् होग—में सोचा करदा हा । कदें मना च चुम्भ-जन लगदी ही—एह् के कीता तू ? ल्हाका-जन निकली जन्दा, विजली दा करट-जन लगदा हा ।

रातीं में ते उस डाक्टर कन्न रलियँ ओह्, परौठियां खादियां हां, जेडियां मिगी मेरी सलेहार ने बनाई दित्तियां हियां । डाक्टर सज्जन ने डरेजी शराबँ दा इक पंग बी पीने गी पेश कीता हा । पर, में शुकरिया करियँ पताई ओड़ेआ हा । ट्रेन जम्मुआं दा चलियँ जलन्धर रूकी ही । उसलँ लगभग दस बजे होंगन । उत्थें मिगी अपने जीजा हुंदा चेत्ता आया हा । ओह् जलन्धर कम्म करदे न ।

स्थाड़ी रात कदें जागदे ते कदें साँदे गुजरी गई हीं । दिल्ली स्थाई सुत्ते दे गी लंघी गई ही । अकखीं खुल्लियां तां अस राजस्थान टप्पारदे हे । मिगी पतिर्यँ घरा आलें दा चेत्ता ओन लगी पेआ हा । पुंछ्या दा जीवन, कठूए दा जीवन ते उत्थों दे जीवन दियां मुख घटनां बारी बारी याद आवा करदियां हियां । भागें दा फेर किन्ना कचा हुंदा ऐ । चेत्ता आया जे, सुगंवासी पं० काकाराम शास्त्री (मेरे गुरु), प्रो० रामनाथ शास्त्री, डा० वेद चई ते डा० ससारचन्द वगैरा सज्जनं केईं बारी प्रेरणा दित्ती ही पी० एच० डी० करने दी । पर, मेरी गी नांसमझी ही जे, में ध्यान नेहा दित्ता । में की नेईं हा ध्यान दित्ता ते पी० एच० डी० अज्जा तोड़ी करी लेई ? कन्ने गी जीवन दियां ओह् बुरियां घटनां ते मुसीबतां बी चेत्त आइयां, जेह् डियां पी० एच० डी० करने दे रस्ते च रोड़े बनियां । पुंछ्या दे औक्खे दिन, इक भ्राऊ दा ऐकसीडेंट ते दूए दी मौत वगैरा-वगैरा । मेरियें अकखीं बिचा अपने-आप अत्थरुं चली पे हे । पर, में सोचा करदा हा जे, मिगी तां बी संघर्ष करदे रोह्ना चाहीदा । कीजे, संघर्ष गै माह्नु दी नियति ऐ ।

अगस्त छे गी दिनें न्हीने दा अपना निजम त्रौडियँ रुट्टी टेशना पर बनी दी गी खानी पेई ही । इन्ने च इक मोक्षां ते इक सरदार युवक बम्बई आले डाक्टर ते सरदार सा'ब कन्ने फलैश खेढन लगी पे हे । रेल दा टी० टी० बी आई पुज्जेआ हा ते ओब्बी उन्दे कन्ने रली गेआ । ओह् दमें ज्वाण्टड़े इन्ने चलाक निकले जे सरदार हुन्दे कोला ५०० ते डाक्टर सा'ब कोला २५० रपे जित्तियँ निकली गे । मिगी इस थमां एह् सबक मिलेआ जे, रेला च ठगगी कोला बचना चाही दा ऐ । केईं मशटण्डे नेकां रूप बनाइयँ लोकेंगी ठगदे न इनें ट्रेनें बिच ।

इंयां अस राजस्थान टप्पियं गुजरात पुज्जी गे : कोटा, बड़ौदा बगैरा शंहर ते नर्मदा आदि नदियां लंधियां । रस्ते च कुतं करसान हल्लां चला करदे हे । कुतं गमां-मेंहियां क्ठियां चरा करदियां ते कुतं घा बड्ढदे लोक लब्धा करदे हे । कुतं मेंहीं छप्पडे च बेठी दियां हां ते कुतं जनानियां घडे- मटके चुक्कियं पानियां गी जा करदियां हियां ते कुतं जागत- पूगत नच्चा कूदा करदे हे । मिगी एह्, सब दिक्खियं अपनी दुग्गर धरती चेतता आई उठी । उत्थे बी ग्रामीन जीवन इस्सं चाल्ली दा ऐ । उत्थे बी इयं जने ई गुर्वत ते ज्हालत ऐ । असल च अजादी दी बरगत स्हेई अरथे च शंहरें-विच गी लब्धदी ऐ । रातीं ट्रेन बम्बई दे दादरा स्टेशन पर लगभग 10 बजियं 20 मिट पर पुज्जी ही । डाक्टर दोस्त कोला बिदेआ लेइयं, में प्लेटफार्म—4 पर आई गेआ । जित्थूं पूना आस्तं ट्रेन 11 बज्जियं, 30 मिट पर चलनी ही । गड्डी आई ते पूरे टैमा पर चली पेई । रस्ते च मद्रास ऐक्सप्रैस कन्ने मालगड्डी दी टक्कर होंदी होंदी बची ही । मालगड्डी दे किश डब्बे पटरी उप्परा उतरी जाने कारण स्हाड़ी गड्डी बी लेट होई गेई ही । उसदे पुज्जने दा समां 4.30 हा । पर, ओह्, तां दिनं दे साड्डे ग्यारां बजे पुज्जी ही । इंयां ओह्, कोई सत्त घंटे चिरकी पुज्जी ही ।


बम्बई ते पूने दे बश्कार सह्याद्रि पर्वत दियां खूबसूरत धारां न । कुतं कुतं धुन्ध पेई दी ही, कुतं पानिया दे झरने बगा करदे हे ते बिचें- बिचें हरियां भरियां घाटियां हियां । स्हाड़ी ट्रेन केई टन्नल टप्पियं आई ही ।

इनें प्हाड़ियें गी दिक्खियं, मिगी कश्मीरा दा रस्ता चेतं आया उठी हा—जम्मू घमां बनिहाला तोड़ी दी सिड़क ते जवाहर टन्नल । माता वंशनों दे प्हाड़ बी इंयां गी न ।

टेशना उप्परा में सिद्धा-गुरु सिंह सभा दे गुरद्वारे पुज्जेआ हा । एह्, गुरुद्वारा गणेश पेठ दे लागी ऐ । बड़ा सुन्दर ऐ एह्, गुरद्वारा । अर्जे बना करदा ऐ । एह्, दे उप्पर कोई बीह्-क लक्ख रपेआ हुनं तगर खर्चं होई चुका ऐ । आखदे न, हाल्ली पता नेईं होर किन्ना होना ऐ । मता कम्म सैखमर्मर दा गी ऐ । इत्थे कम्म करा करदे इक मुसलमान सज्जनं मिगी इसदे बारे च सारी गल्ल तसफीला कन्ने सनाई ही । गुरद्वारे दे निर्मान आस्तं हिन्दु- मुसलमान ते सिक्खें सारें रलियं चन्दा दित्ते दा ऐ । गुरुद्वारे दी छत्ता उप्परा सारे पूना शंहरें दा दक्ख नजरी औंदा ऐ ।

न्हाई-धोइयं में गुरद्वारे दे लंगरा गी (उन्दे आखने मूजव) 'प्रशादा छकी' लेआ ते विश्वविद्यालय दे दपतर आई पूज्जा । उत्थों फी संस्कृत प्रगत अध्ययन केन्दर दा पता कीता ते उत्थे पुज्जी गेआ । उत्थे पुज्जदे गी बाकी साथियें कोला ते केन्दर दे अधिकारियें कोला पता चलेआ जे विश्वविद्यालय दे छात्रवास इच असें टीचर फॅलों गी रोह्ने दी जगहा नेईं मिलदी ते बाहर बी जगहा मिलनी इन्नी सखल्ली नेईं ऐ । इत्ता सुनियं, मेरा ल्होका च्हुट्टी गेआ जे हून केह्, होग ?

□□



श्रीगजा